



Universitätsbibliothek Paderborn

**R. P. Thomæ Tamburini Societatis Iesu Siculi
Caltanisettensis, In Alma Vniversitate nobilis Civitatis
Messanæ, Theologiæ Primarij Professoris. Explicatio
Decalogi Duabus distincta partibus**

In qua omnes ferè conscientiæ casus, ad decem Præcepta pertinentes,
mira brevitate, claritate, & quantum licet, benignitate declarantur

Continens sex Libros posteriores in Decalogum, id est, expositionem
præceptorum secundæ tabulæ

Tamburini, Tommaso

Monachii, Anno M.DC.LIX.

Vbi de eleemosyna, num. 17.

urn:nbn:de:hbz:466:1-39995

justum ex utraque parte absolute, sed
ex vi diversarum opinionum proba-
bilium, quod non esse inconveniens,
omnes docemus.

n. Castrop. t. x. tr. 6. d. 2. p. 9. n. 7.

*In conursu propriarum fortunarum cum
necessitate temporali proximi,*

Kibi

De Eleemosyna.

13. Denique difficultas est quarta, an extra necessitatem extremam, tua bona, pro privato effundere aliquando, seu dare in elemosynam tenearis? nam pro publica, dixi nunc.

Adverte primò , necessitatē in temporalibus aliam esse extremam , aliam gravem , aliam communem : Extrema necessitas est ea , qua proximus tuo auxilio indiget , ne brevi moriatur , vel malum mortis simile incurrat , nec aliis adsit , qui adjuvare posse , vel velit . Cum dicitur (ne brevi moriatur) intelligitur , ait Ledesma , o ita ut in una hyeme , vel in uno vere moriturus sit : Verum Sotus p̄ ait , licet longè quis sit à morte , si sit certo moriturus , ni succuratur , adhuc esse in extrema necessitate : Dictum autem est (Morti simile) quia non solum , qui moriturus sit , sed eum , qui certo incursum sit morbum incurabilem , vel amissionem alicujus membri principalis , vel sensus corporis , esse in extrema necessitate , docent merito nonnulli . q.

O Ledesma 2. p. 4. q. 13. art. 3. p. 50-
tus l. 3. de just. q. 3. art. 4. q. Bonac. C
Angelus agnus sancti l. c. conf. c. 5. d. 5
p. 50.

Gravis est, quæ hominem constituit non in certo, sed in gravi periculo morbi incurabilis, vel morbi gravis, vel abbreviatiois vitæ, vel captivitatis injustæ, vel cadendi notabiliter à suo statu, denique vel cujuscunque mali gravis; Periculum non lucrandi magnam famam, vel magnam vim pecuniae, vel non acquirendi nobilitatem vitæ statum, non est gravis necessitas, quia hæc non est jactura, sed acquisitio majoris boni: Nota autem, hanc gravem necessitatem habere plurimi gradus, veluti majora, vel minora sunt, intra latitudinem gravitatis, prædicta mala.

Communis est, qua homines communiter, non decadendo notabiliter a suo statu, laborant, & cui cum aliqua morali sollicitudine succurri ab eodem patiente potest; unde vides pauperem, qui mendicare solet, non esse, nisi in communi necessitate: nam mendicando non decidit a suo statu, imo in illo persistit. Non ita dici potest de eo, qui alias est honestæ conditionis: huic enim periculum incidenti in mendicitatem, grave enim vero malum est.

14. Adverte secundò, bona tempora-
lalia, alia esse tibi necessaria ad vitæ
propriæ, tuorumque sustentationem :
alia ad statum tuum decenter conser-
vandum : alia, quæ nec vitæ, nec sta-
tiū sunt necessaria, quæ superflua vo-
cantur. Quoniam verò aliqui r con-
tendunt probabiliter, ea, quæ sunt ne-
cessaria ad acquirendum meliorem
statum, non esse superflua (quoniamvis
aliqui / id negent) ideo raro quis,
in hac sententia, dicetur habere bona
superflua. s. peditis.

CAPUT Primum. §. I.

7

^t Granad. II. contr. 3. tr. 11. d. 2. sc. 3. Bellar. l. 3. de bonis oper. cap. 7. Coninc. 4. num. 18. de Lugo in Respon. lib. 5. d. 11. c Lorca 22. sec. 3. d. 39. memb. 1. n. 7.

15. Respondeo ad quartam hanc difficultatem propositam, aliquos docere, prater extremam, de qua in præcedentibus difficultatibus est disputatum, numquam nec ad gravem, nec ad communem necessitatem proximi avertendam, obligari fidelem suum auxilium adhibere: consilium id esse ajunt, non præceptum, quia sicut ipsemet fidelis posset, ob Dei amorem, gravem necessitatem pati, sic potest alius idem permettere. Sed probabilius affero primo, obligari uquempiam ex superfluis & suo præsenti statui non admodum necessarijs, gravi necessitati proximi succurrere; id enim videtur innuere illud Ioann.

3. Qui viderit fratrem suum necessitatem habere, & clausuris viscera sua ab eo, quomodo Charitas Dei manet in illo? Ratio est, quia virtus Charitatis jubet, proximo succurrere, sine gravi succurrentis incommode; at succurrere ex bonis superfluis, incommodum grave non afferit, ergo &c. Nec mirum, posse quemlibet eam necessitatem pro Christo pati; posset enim, si vellet, quia in rebus suis potest suo iuri cedere: at non potest idem velle in alijs: Hi enim suo juri, quod à virtute Charitatis habent, de expectando aliorum auxilio, cedere non præsumuntur.

^t Bona. t. 2. d. 3. c. 1. alijq plures apud Vasq. A. Coninch. cit. à Castr. t. 1. tr. 6. d. 2. p. 2. n. 1. u. L. Suar. d. 7. de charit.

16. Affero secundo, ex notabiliter necessarijs suo præsenti statui in dicto casu fideles non obligari. Ratio est, quia ordo Charitatis nequaquam dicet, ut dum gravi proximi necessitati succurro, in gravem ego, vel gravi similem incurram; Nam propter eandem rationem, tu etiam extrema necessitate viræ laborans, non potes surripere rem ab alio, æque illa indigente, quia tunc ipse non tenetur dare, imo propter possessionem, est melioris conditionis.

x Idem.

17. Affero tertio, in communi necessitate satis esse, & si aliquando à te proximus adjuvetur, dando ei aliquam interdum ex bonis tuis eleemosynam (crederem satis, si ex centum aureis annuis duos des, ex ducentis quatuor: sed non in eadem proportione, si multum tuæ excedant divitiae: Vide omnino infra h cum de uxoris furtis.) Ratio est, quia ex una parte id videtur satis pro ea necessitate non adeo urgenti; & ex alia, si semper obligareris, facile in gravem tu ipse incideres. ad quod, ut dictum est, te Charitas non adstringit, sed solum allicit invitatque: Ex his multa necessario repetenda erunt inferius.

a Bonac. I. c. n. 8. alijq apud ipsum
b Inf. l. 8. tr. 1. c. 2. §. 3. num. 14. c
Inf. l. 8. tr. 1. c. 6.

18. Ad complementum hujus translationis de Eleemosyna, opera pretium erit, audire sententiam Layman: d An Obligatio, inquit, dandi eleemo-



eleemosynam communibus pauperibus sit, sub culpa mortali, an veniali? Respondeo: Cum pauperum communis miseria levis, ac tolerabilis est, soleat, auxilium aliquod denegare, si commodè afferri possit, & nulla negandi ratio adsit, videtur esse culpantum venialis. Porro hæc ipsa rogantibus pauperibus eleemosynam justa negandi caussa esse solet, si dives propositum habeat, illis dandi, loco, aut tempore commodiore, vel magis indigentibus, vel si superflua, quæ habet, ad alium pium usum conferre velit, ut Medina notavit q. 3. de Eleemosyna, §. videtur secundo. At vero, si abundans divitijs nulla rationabili excusatione motus, omnes à se mendicos, & pauperes inhumaniter repellat, is nimis inordinato divitiarum amore affectus, & Dei ac proximi charitate exutus, ideoque in malo statu versari videtur, juxta verbum Christi Matth. 6. *Non potestis Deo servire, et Mammone;* quamvis Confessarius absolutionem à peccatis divitiis non facile negare debeat, quod communis pauperum miseras per eleemosynam sublevare monitus recuserit: Tum quia de obligatione hac, an, & qualis sit, Doctores non conveniunt; tum quia semper dives aliquam caussam in specie præfert, cur recusat. Hæc ille. lego Castropalaum, e qui notat duo: Primum, te non esse obligatum, inquirere egenum, ut illi subvenias; sufficit, si paratus sis, illi subvenire, cù ejus necessitatem certo moraliter scies. Secundum, hanc certitudinem necessitatis alterius non posse constare, nisi spectatis omnibus, prudentis arbitrio,

certum esse, ait ex Bonacina; tellimus patientis indigentiam, non esse sufficiens, quia facile in causa propria præsumi potest simulatio.

e. *Castr. t. 1. tr. 6. de Charit. d. 2. p. 2. nn. 3.*

19. Quid amplius debeant Pastores & Beneficiarij, vide infra, cum de domino.

f. *Infr. lib. 8. tr. 1. c. 2. §. 3.*

§. II.

Quando concurrunt bona spiritualia proximi cum nostris temporalibus, vel spiritualibus.

¶ **P**otest proximus tripliciter indigere tuo auxilio in spiritualibus. Primum **extremè**, quod est solum, quando ille damnatur, te non auxiliante: ut si Infans certò moriturus esset sine Baptismo, quem tu solus conferre posses. Nam si alius sit, qui succurrere possit, ac velit, vel si adhuc te succurrente, non es certus moraliter, proximum esse salvandum, non est is certè dicendus extremè tuo auxilio indigere.

Secundum **graviter**, quod est, quando aliquod malum in spiritualibus grave proximus incurret, à quo potest ex se, sed eum magno conatu effingere.

Tertius **leviter**, quod est, quando cum parvo labore se à dicto malo posset quis liberare.

Necessitas salutis proximi non extrema.

2. His declaratis, certum mihi, vel faltem.

